

經義知新記
健餘先生讀書筆
論藝



經義知新記

汪中著

中華書局

叢書集成初編

經義知新記（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

經義知新記

此據藝海珠塵本
排印初編各叢書
僅有此本

經義知新記

江都拔貢汪 中著

詩書執禮樂正以教學人習之故雅言易象春秋則微言也易觀其象而玩其占書不盡言言不盡意春秋之稱微而顯婉而辨太史職之孔子贊之修之而後商瞿左邱明傳之故曰仲尼沒而微言絕八卦之象又有六焉巽曰木大過坎曰雲屯曰泉蒙曰雨解離曰明離夷曰電噬古之講經者執卷而口說未嘗有講義也元豐間陸農師在經筵始進講義陸佃傳崇政殿說書進講周官神宗稱善始命先一夕進藁按漢書張禹傳初禹爲師以上難數對已問經爲論語章句獻之此講義所由始

楚語惠王以梁與魯陽文子楚世家肅王十年魏取我魯陽地理志南陽有魯陽縣春秋昭五年叔孫昭子卽位朝其家衆二十八年魏獻子之臣閭沒女寬退朝待於庭注魏子朝君退而待於魏子之庭非也昭七年左氏傳燕人歸燕姬北燕之爲姬姓於此得證管子君臣上篇衣服繡纁盡有法度注云繡纁古袞冕字逸周書訓命解有紼纁有斧鉞紼纁卽蔽冕之假借哀二年左氏傳使太子纁注纁者始發喪之服

昭十五年左右氏傳荀吳圍鼓鼓人或請以城叛穆子弗許二十一年荀吳略東陽使師僞糴者負甲以息於昔陽之門外遂襲鼓滅之

